

卷之十四

太乙軌運八卦行義編年

太乙統宗

RARE

BOOK

Chen


72

V. 6

太乙統宗寶鑑卷之十四

太乙統運入卦行文編年


太乙蹉行九宮不徑中五三年一徙宮七十二年一
換局六十年改紀行運則周遊六十四卦歷一萬一
千五百二十年分一十二運其始曰天地否泰之運
其次曰男女交親之運自周文王在乾卦之首至周
敬王四十二年甲子太乙始入男女交親之運是謂
夫婦之合雖有凶害唯交續之際上九三六為之甚
焉至隨煬帝大業元年甲子太乙運行既濟卦中
男中女為治世也既濟定也事之已成水火相交六



爻居正小者尚亨况其大者乎事之方濟也初吉濟
極則反是以終亂易曰既濟亨小利貞初吉終亂



大業元年甲子太乙統既濟之卦初九爻无攸利為
建功立德之限三十六年既濟初九非義先動者乃
至於咎不前守義後動者亨也易曰曳其輪濡其尾
无咎象曰曳其輪義无咎也



太乙理初九之爻既濟之蹇蹇難之時必有聖賢者
出能濟天下難者堅守正道則吉易曰蹇利西南不

利東北利見大人所以貞吉也夫既濟之蹇內卦艮
艮為木果內互坎坎為水犯此名者可為濟蹇也隋
煬帝以悖逆詐謀志驕氣溢窮奢極欲兵連四夷徭
煩賦重盜賊蜂起是以李密王世充劉武周劉黑闥
蕭銑之徒皆以僭亂為事雖各有所謀如曳輪濡尾
終不能行也非建德立功之君何以有國乎李淵舉
兵晉陽建義旗救民於塗炭實仗義有為之主所以
能享國也武德元年戊寅歲太乙在第十一甲子元一
十五局太乙在六宮主參將與客大將相關內迫太
乙始擊將臨之又擊太乙之宮名曰郭固主廢墓固

執之禍也其年五月戊午隋恭帝遜位唐其月甲子
唐王即皇帝位唐王諱淵字叔德姓李氏隴西成紀
人應木果為李之象以淵為名應坎水之象是為高
祖子世民知隋必亡遂起義兵晉陽應天順人掃除
亂畧海內臣服正為濟蹇乃聖賢之君作也唐王成
紀人起晉陽復亨于泰地是蹇利西南不利東北大
入貞吉之驗也武德九年甲子元二十三局丙戌太
乙在九宮太歲與太乙格當有彗孛出於西北方主
有兵喪之事其年二月壬午日有星孛於胃昴間是
彗孛出西北助太歲也六月庚申日秦王世民殺皇

太子建成及濟王元吉癸亥日立秦王世民為太子
聽政八月甲子日授位于皇太子尊帝為太皇太后
乙與太歲格字星助太歲相合若符契也唐貞觀十
四年庚子太乙運行既濟卦六二爻為中道安平之
限二十四年事既濟矣元復進而南為婦喪其第則不
可行也可守正道能靜而復者不久而自寧九五剝陽
中正之君然亦有小格於其間如婦喪其第不可行
之象成以勿逐於物以動而得此限之中必有所失
而後寧也能守中正則无失矣易曰六二婦喪其第
勿逐七日得以中道也

既濟六二之需為君者能以誠信充實於中則有光明之亨通也能守其正可以除難易曰有孚光亨貞吉利涉大川既濟之需內卦變得純乾無應有僭亂者生焉在內卦事生於內必起自宮掖唐太宗貞觀十七年癸卯甲子元四十局太乙在七宮主大將與太乙同宮與客參將併囚太乙為四郭杜歲計遇之大凶其年二月魏王泰陰結朝臣謀伐皇太子承乾懼與侯君集謀以東宮兵攻內事發四月己酉日廢皇太子為庶人徙黔州魏王泰幽于北苑誅李安儼

趙節侯君集等丙戌日立晉王治為皇太子赦天下
太乙四郭杜之驗也至貞觀二十三年己酉五月太
宗崩皇太子即位號高祖唐次年改元至永徽五年廢
皇后王氏為庶人立宸妃武氏為皇后正為僭亂者
出於宮掖之間有婦喪其第失正之象至麟德元年
甲子太乙運行既濟卦九三爻二十六年為內極災
變之限既濟九三之世用剋武遠伐暴亂之時以救
生靈為心乃用三者之事也然中國之民疲且困矣
易曰九三高宗伐鬼方三年克之小人勿用象曰三
年克之應也

既濟之屯陰陽始交而未暢為屯則天下之難未亨
泰之時也濟屯者豈獨力所能濟必廣資輔助建立
侯王以主不寧易曰屯元亨利貞勿用有攸往利建
侯內屯互變為坤象有應則防后妃臣下之謀主婦
女掌權竊踰之象在內卦起自宮掖內卦離變震為
戈上互艮艮為止止戈為武离中女變震女子武王
之象也离為火艮為狗有犬邊火以止內亂也內互
坤坤為西南蠻戎之象也外互艮艮為東北夷狄之
象也坎為北狄之象也俱為遠方之伐是時李勣伐

高麗薛仁貴伐吐蕃劉仁軌破新羅裴行儉伐突厥
是震用伐鬼方之象也至弘道元年十二月高宗崩
立第七子顯即皇帝位次年三月太后廢帝為廬陵
王立豫王旦為皇帝太后臨朝稱制至庚寅年丙子
元十五局太乙在六宮主參將與始擊將客大將客
參將共迫太乙宮名曰四郭固有篡廢之禍九月后
篡帝位改國號周是女子武王之驗也至聖曆元年
戊戌三月后納狄仁傑言召廬陵王子房州還洛陽
是大邊火能正亂之應也是屯之利建侯王以主不
寧之象也

唐武氏久視元年庚子太乙運行既濟卦六四爻二
十四年為積亂之後將治之限也既濟六四及於坎
之水體以防患慮變為急終日戒懼不怠以慮患當
如是平時常戒患之將至當畏慎可也易六四曰繻
有衣袽終日戒象曰戒有所疑也

三太
三

既濟之革革去故也初革其故人未能遽信己日乃
從是天下弊壞之後而革之所以致其通也故革之
以正而可以利天下革之以正天下可以致大亨乎
革而不正則有悔也易曰革己日乃亨元亨利貞悔

亡六四爻動變外互純乾有應乾象有應剛從之君
能理於國也內卦離為中女外卦兌為少女陰柔不
正之象外互乾內卦離乾為天有高隆之象離為火
有文明之象理國者必以此為徵也

中宗神龍元年乙巳太乙在二宮客大將囚人若不
利有為其年正月癸卯宰相張柬之崔玄暉及羽林
桓彥範等率兵以討誅張易之昌宗昌期等于院左
右太后聞變而起桓彥範進請傳位太后夜卧反卧
內不從甲辰日勅太子監國乙巳日太后傳位于太
子丙午日中宗即位大赦天下丁未日徙太后上陽


宮三月甲寅復國號唐既濟之革此其象也是歲以武三思等同中書門下三品桓彥範仲暉魏元忠為侍中張柬之袁恕已常安石並為中書令十一月上尊號應天皇帝后曰順天皇后壬午日皇帝享太廟大赦時韋皇后及帝女安樂宮主上官婉兒干豫政事武三思丞於后武氏之權復振共譖柬之等五王罷政事譙王重福貶為刺史壬寅太后崩謚曰大聖則天后年二十八歲神龍二年丙午歲武三思復譖張柬之等六月貶仲暉桓彥範袁恕已崔玄暉張柬之等五王為崔竇白新州司馬七月又流于環隴

州彥範仲暉怒已三思皆矯制殺之戊申立衛王重俊為皇太子景龍元年丁未太乙在三十二局太乙在三宮始擊地主客大將八宮客叅將四宮太乙迫始擊名為擊太乙宮後為擊在內因為廢職占在同姓近臣妃后之類客美短不成自敗也武三思挾韋后勢將謀逆內忌太子而子嵩訓又尚安樂公主數請廢太子自立皇太子重俊恚怒七月辛丑以羽林千騎兵殺三思嵩訓入索公主不克死之癸卯大赦此年太乙內擊之應亦既濟四支動內為外死二女陰柔不正之驗唐景雲元年庚戌其年客小將因太

乙易氣之地六月皇后及安樂公主散騎常侍馬秦
客反壬午日鴆殺帝崩中宗既革命復唐居既濟六
四爻之時不能防患慮危取衣袵塞舟之戒任用小
人聽信婦言是革而不正則有悔故禍及於身也韋
后矯詔立太子重茂即皇帝位年十六太后臨朝稱
制大赦天下改元唐隆肅宗旦高宗第八子韋后潛
謀害帝六月庚子夜臨淄王隆基率劉幽永等兵入
誅韋后安樂公主等奉安國相王即皇帝位丁未立
平王隆基為皇太子至太極元年壬子七月辛未禁
變傳位皇太子隆基即皇帝位是為明皇此正為劉

德之君理於國有高隆之名文明之象也是能道龍
扶危革之以正可亡其悔也

唐玄宗開元十二年甲子太乙運行既濟卦九五爻
三十六年為中道安平之限既濟上下二位東西之
隣二主之象也易曰東隣殺牛不如西隣之禴祭實
受其福象曰東隣殺牛不如西隣之時也實受其福
吉大來也



既濟之明夷內明而外暗為君者知時之明夷利於
艱難以守正也外卦坤象無應有盜賊為梗在外卦

起自藩臣外互震外卦坤為牛震為決躁其物決躁
而有鹿角之象內互坎坎北狄之兆外卦坤坤為婦
女為群小事起於婦女群邪之黨也

唐玄宗開元二十八年壽王妃楊氏為道姑誦太真
是時天下無事國家富強行旅不賣糧外戶不開太
乙行中道安平之限也至天寶三載四月以安祿山
為范陽節度使河北採訪使是時太真妃勢傾天下
祿山請為妃養兒帝許之命與楊釗及林甫約為兄
弟由是祿山有亂天下意在^至天寶九載封祿山為東
平郡王時帝春秋高嬖艷釗固紀綱蕩然祿山反狀

已露帝猶不悟楊國忠惡祿山言其必反帝使謁者
輔璆琳受祿山金因言不反皇太子亦屢言祿山反
狀帝不信國忠曰試詔還朝必不至祿山揣知謀乃
馳謁帝帝竟遂祿山還鎮恐國忠留之日行三百里
反狀明白人告言者帝必縛與之天寶十四載十一
月祿山反陷河北諸郡封常清為范陽平盧節度使
以討祿山及詔郭子儀王承業張介然程千里等討
之仍以榮王琬為東討元帥高公芝副之十二月常
清公芝敗績伏誅榮王琬薨其年太乙八局在三宮
主筭短客筭長利客不利主以致敗也十二月祿山

稱兵向闕害太原尹楊光利遂命西平王哥舒翰統
兵八萬鎮潼關天寶十五載正月祿山潛稱雄武皇
帝於東京國號燕建元聖武六月辛卯哥舒翰叛降
於賊遂陷潼關京師大駭甲午親征此玄宗不能守
其真正之道所以盜起而亂也亦應明夷先明後暗
之象其年戊子元第九局太乙在三宮太歲丙申太
乙與太歲格主有崩亡兵役之事主西南國先敗東
北國後敗又太乙在三宮天目在和德是太乙與天
目俱在艮維之鄉主天子巡狩行幸遷國天目和德
主南遷太乙在既濟九五之明夷外卦坤為西南梁

州之分是玄宗幸蜀之應六月丁酉次馬嵬衛軍殺
楊國忠賜貴妃自縊己亥祿山陷京師七月庚辰車
駕至蜀郡七月丁卯皇太子主天下兵馬事北至廬
武裴冕等甲子奉皇太子即帝位改元至德二載正
月安慶緒殺父安祿山面襲偽位改元載初閏八月
復京師慶緒奔于陝既濟九五東隣殺牛不如西隣
禴祀之時也亦太乙格主西南國先敗東北國後敗
之應也又既濟之明夷先明後暗之象也唐玄宗開
元之初欲亦為治能自剋勵儉德至天寶之後彈耳
目之玩窮聲技之巧自為帝王之富貴皆不我若祿

山見綱紀之紊亂禍孽日熾進用奇禽異物以蠱帝
心玄宗不悟以致於不可支持太乙行既濟之明夷
先明後暗之應也若玄宗能以艱難清儉守正道克
終其業則亂何由而及矣

唐肅宗上元庚子太乙運行既濟卦上六爻二十四
年外極災變之限處既濟之極過進不已則及於難
又陰柔在上將歿不久危莫先焉明者懼其危亡反
身修德小人處之其敗立至易上六曰濡其首厲象
曰濡其首厲何可久也


既濟之家人家人之道利在女貞弱主在上柔侮處
下以至讒邪競進盜賊並起天下紛亂易曰家人利
女貞外卦巽內卦離內互坎外互離二離相迭中虛
二口之兆坎為夷狄之象巽為寡髮之象巽木下離
離南方赤色也木之赤朱也離日也為亂者必為此象
也

至寶應元年壬寅其年太乙在戊子元十五局太乙
在六宮始擊客大將與主參將相關共迫太乙宮參
將外迫太乙值此則名四郭固有廢墓固執之禍人
君不利有為四月甲寅大聖上皇崩于神龍殿丙寅


日肅宗崩于長生殿肅宗疾革張皇后謀立越王係
將誅李輔國中官程元振李輔國得知其謀四月丁
卯兵入殺係及克王澗幽張后於別殿此太乙四郭
固之驗也已巳太子即皇帝位輔國元振驕恣用事
丁卯夜盜賊殺輔國竊其首而去吐蕃寇秦城渭三
州是歲台州賊袁晁乘亂據浙東僭號建元昇國明
年李光弼遣兵殺之為亂者犯日之名也廣德元年
癸卯戊子元十六局太乙在七宮文昌在天道丙辰
迫始擊將太簇外宮擊客大將與主參將共格太乙
之宮太乙在七宮坤維之鄉主天子行幸經曰太乙

行極爻俱遇迫擊之歲亦必遷矣欲知所幸之方以
變卦而定之外卦變得巽為東南林壑之象內互得
坎坎為險阻是東南之地也其年党項羗寇同州郭
子儀敗之子儀復長安吐蕃陷隴右諸州十月車駕
幸陝係在東南險阻之地也自此連年邊寇不息至
建中四年癸未立朱泚為帝國誦秦為亂者犯朱犯
水之名者也是有濡首之危是時奸邪競進主弱臣
強此其應也唐德宗興元元年甲子歲太乙運行未
濟自唐受命以來太乙運行既濟六爻俱得其位此
未濟六爻俱失其位自此以後唐之君漸弱其祚漸

衰矣



太乙運行未濟卦初爻二十四年為建功立德之限
也有功有德者立無功無德者衰時當坎險若才力
有餘者可以濟時之險若才力不足者則不能濟不
能濟則悔吝生焉易曰濡其尾亦不知其極也



太乙

未濟之睽睽乖離散之時事皆相違害之道也用小
人之事則吉舉大事則凶易曰睽小事吉外卦并內
互二體皆離為中女內卦兌為少女執政者皆女


子小人之徒外互坎內卦兌坎為北狄之象兌為西
我之象內有小人之權外有鄉國之亂此其應也

唐德宗貞元二年李泌言皇朝之盛無過貞觀開元
遂改元為貞元後帝曰朕當為貞元一萬年貞元之
後吐蕃年年入寇天下州府相競剋剥百姓以進奉
固恩澤到十三年以中官掌宮內市強買人物京師
苦之十六年二月以韓全義為蔡州行營招討使全
義無將畧以賄納中官故用之五月為吳少誠所敗
于廣利城七月大敗于五樓軍潰全義退保陳州十
月吳少誠引兵歸蔡州上表待罪詔復爵十七年辛

已春韓全義班師上不知其敗以為討降吳少誠無
有功寵賜甚厚還鎮單州外有吐蕃蕃鎮以擾其外
中官小人以亂其內是有濡尾之名睽平之道至矣
貞元二十一年乙酉五十八局太乙在四宮客大將
與主參將併西格之名四郭杜人君不利有為其年
正月癸巳帝崩于會寧殿謚德宗丙申順宗即位至
八月庚子立皇太子即位自稱太上皇太乙入未濟
初為建德立功之限是以德宗憤積世之弊憫王室
之弱南面之初赫然有撥亂之志然而識度闇淺恣
情積復親信多非其人舉措不由其道若歎之揭尾

其能濟時之難險乎於是困辱於奉天播遷於南山
公卿拜於賊庭鋒鏑集於皇屋此正揆為辛散之時
唯用小事則吉大事則凶之驗也

唐憲宗元和三年戊子太乙運行未濟卦九二爻三
十六年為中道安平之限也未濟九二君道之時所
賴之者貞臣耳為君者守中行正盡君道之善為臣
者能極其恭順戒其剋過所以為正而能保其終吉
也易未濟九二曰曳其輪貞吉象曰九二貞吉以行
正也



未濟之晉晉為進盛之時大明在上而下體順附諸侯承王之象上者大明而能與下同德順以治安也易曰晉康侯用錫馬蕃庶晝日三接也變得內卦坤經曰乾坤之象變在內卦事生於內起自宮掖內互艮外互坎艮連坎為閹寺之人肘掖之禍自憲宗即位以來天下豐稔斗米二文太乙行中道安平之限用武元衡裴度為相大明在上而下順附上下同德用康侯之象也是以憲宗聰明果決得於天性選任忠良延納善謀卒能取靈夏清劔南誅浙西俘澤潞平淮右復齊魯於是百年之憂一旦廓然唐之復興振

皆基於此至元和十五年庚子太乙入第一局太乙
在一宮主大將與客將格太乙犯此則盜侮其君子
象人君不利有為其年帝餽金丹多躁怒正月庚子
宦者陳弘志弑帝皇太子即帝位由是宦官管民事
是為閹寺之應至太和九年乙卯歲帝以中官太盛
元和逆黨尚在左右畏而惡之陰與李訓鄭注謀誅
之九月殺陳弘志十月殺王守澄十一月壬戌李訓
等詐言在金吾伏舍有甘露請往觀之伏兵謀誅中
官不克訓奔于鳳翔中尉仇士良率兵殺王涯賈餗
舒元興李孝本羅立言王璠郭行余等一十三族京

師大駭中官益盛開成三年戊午正月甲子仇士良
使盜殺宰相李右朝廷震恐常參官入闕者九人而
已餘皆潛竄決旬方息是謂闈寺弄權之驗也開成
五年太乙在二十一局犯迫格執提是為凶歲其年
正月戊寅上不豫中尉等官與仇士良矯詔立帝弟
穎王為皇太弟權管領軍事廢太子復為陳王辛巳
帝崩于太和殿彌文宗武宗即位是構亂者起自宮
掖闈寺之人宦官為亂之應也是上人之失大明道
為臣者无德以附於上矣晉卦用康侯之理所以禍
及也

唐武宗會昌四年甲子太乙運行未濟卦六三爻內
極災變之限二十四年時未濟而征所以凶也若能
涉險夷除患難吉則無不利易曰六三未濟征凶利
涉大川象曰未濟征凶位不當也



未濟之鼎當革故取新之際易曰鼎元吉亨內互之
乾有應主劉德之君理於國革弊從新有元吉之亨
上互兌內互乾下卦巽上卦離離在天上而文明而
照四方之象理國者以此象也

會日昌曰六年丙寅太乙在二十七局客大小將挾名

曰四郭杜人君不利有為其年三月帝服方藥不豫
甲子崩謚武宗皇帝大赦即位是為宣宗英敏特達
委用能臣克上黨如拾芥取大原如反掌享國日淺
功業未就惜哉宣宗少歷艱難長年踐祚人之情偽
靡不周知盡心民事屬精政道賞簡而必當罰嚴而
必正為劉德之君能理於國革前朝之弊為鼎新之
治也至大中十三年己卯歲太乙在七宮四郭杜其
年人君不利八月癸巳上崩是謂宣宗鄆王淮即位
謚懿宗其後浙東雲南吐蕃年年寇邊藩臣跋扈至
咸通二十年後帝驕淫無度崇尚浮屠昵近嬖倖忠

諫者誅斥民怨不知神怒不恤故李氏亡於為決矣
未濟之不能除患難又不能革弊鼎新故無有所利
何元吉之亨也

唐懿宗咸通九年戊子太乙行未濟卦九四爻為習
亂之後待治之時其限三十六年未濟九四能勉而
能為正無悔不正則不能濟於難險有悔也以義為
勤能伐遠方可以成功而行大國之賞必如是為有
濟也濟天下之道當貞固所以吉也易曰貞吉悔亡
震用伐鬼方三年有賞于大國象曰貞吉悔亡志行
也

三太
七

未濟之蒙蒙昧之世弱主在上強臣在下當任剛中
之臣不失其中正之道則可也不然則權臣專政小
人並進上下相蒙失正之凶也易曰蒙亨匪我求童
蒙童蒙求我初筮告再三讀讀則不告利貞外互得
坤有應防后妃臣下之謀變在外卦亨生於外起自
藩臣外互坤坤為黃也上有艮艮為黔喙之屬有山
巔之木巢居之象艮為山坤為土坤上有一乃王字
為王者之象內互震震為木艮為果是為木字亂者
以此為兆也

咸通十四年癸巳庚子元五十四局太乙在二宮客
參將囚王大將格文昌將迫人君不利有為六月上
不豫七月帝崩晉王即位是為僖宗至乾符三年丙
申六月濮州賊王公芝尚居長安陷曹濮二州七月
王公芝寇掠河南十五州衆號三十萬所過無不殘
滅公芝乃山人之象也丁酉年三月有宛句賊黃巢
陷鄆沂二州八月黃巢與王公芝合兵陷隨州九月
沙陀李國昌寇雲朔二州宛句賊黃巢聚衆萬人陷
邳州至廣明元年庚子其年太乙在六宮客大將格
太乙助客不利主人黃巢僭號自陳符命取廣明字


分其文曰唐去君而著黃明當代唐其下乃契之日
月也蓋天啓雲是歲十二月巢陷潼關而伐陷京師
帝乃幸興元年壬辰巢舍含元殿僭皇帝位國號大
齊建元金統大赦天下其徒乃黃之象巢之名也至中
和二年壬寅庚子元六十三局太乙在六宮主人不
通始擊將格太乙客參將囚太乙不利於主人壬申
車駕幸西川海內盜起兆民不安京師白日殺人流
血國中米貴金三十易米一斗賊自相食天下非復
唐有其年李克用授太原節度使中和三年癸卯六
十四局太乙在七宮主大小將迫提挾客正月鴈門

節度使李克用為京城東北面行營都統三月克用
與巢戰於客口大敗于渭橋丙午復長安巢轉掠鄧
許汴洛徐兗等州倉廩人以為糧時朱溫為宣武郡
節度使賜名為全忠中和四年甲辰克用追躡黃巢
日夜三百巢衆敗走至太山狼虎谷巢計蹙自刎是
震用伐鬼方三年有賞于大國之象亦主人挾客之
應也光啓元年乙巳三月車駕自成都大赦改元田
令孜與重榮爭鹽池九月王重榮反十二月李克用
叛附王重榮十二月乙丑李克用犯京師其年太乙
在六十六局太乙在七宮始擊武德俱在坤維之鄉

又主客迫挾太乙主天子巡幸西車駕幸鳳翔太乙
在七宮故也河中王重榮構太元李克用兵誼闕焚
蕩幾盡光啓二年十月丙午嗣襄王煬自立為皇帝
改元永正尊皇帝為太上皇文德元年戊申二月車
駕回至鳳翔帝不豫崩于武德殿年二十七諡僖宗
三月皇帝知軍國事乙巳即皇帝位大順二年辛亥
太乙在九宮太歲與太乙格其年有彗孛出於東南
方助太歲西北國前敗東南國後敗其年四月庚辰
有彗星入於太微掃大角天市長十餘丈五月甲戌
伏是以其年八月王建陷成都六月楊行密陷揚州

李茂貞陷鳳翔又陷興洋二州乾寧三年丙辰六月
李茂貞犯京師王師敗績七月車駕次渭北韓建來
朝劫上幸華州岐軍遂焚長安唐之祚數二百八十
年此年為祚終之年然猶未終者唐朝十有八主其
間豈無累功積德之君故德之過數也至天復三年
癸亥正月戊申殺左右神策軍中尉韓全誨內樞密
使袁易簡等二十人首級告諭四鎮甲子上幸朱全
忠軍已巳還長安哭於太廟庚午全忠殺中官七百
餘人以應太乙格太歲彗星見東南方東南國前敗
西北國後敗之驗也

唐昭宗天佑元年甲子太乙行未濟卦六五爻中道
安平之限二十四年未濟六五以柔居尊位弱主在
上為臣者能輔之以君子之誅於時可濟也可濟則
有暉之光吉也若以柔居尊而不能制下下不能以
忠信事上何有光暉之言反道敗德失之大矣易曰
貞吉无悔君子之光有孚吉象曰君子之光其暉吉
也



未濟之訟訟卦上下相違內亂相悖以為訟也以信
實居中正之道常以惕懼戒備訟何由興不能守中

正之道終後有凶易曰訟有孚窒惕中吉終凶外卦
乾象無應有僭亂之徒滿於世外卦起自藩臣外卦
乾內互離下卦坎有名天者日者水者赤者有光者
是其應也其年八月壬寅朱全忠遣李振將玄暉弑
帝將玄暉軍犯宮門是夕帝崩誦昭宗全忠矯詔立
皇太子監國丙子即位年十三天祐二年十二月戊
申全忠弑太后何氏又殺唐丞相三省官殄盡天祐
四年丁卯四月甲子帝禪位朱全忠于梁徙帝曹州
誦哀帝上有弱君下有強臣上下不相制失正而所
以見滅也朱溫所以犯日之名至此而唐已矣以數

堆之則二百八十二年乃祚限之期今在數外面終
唐朝一十八帝其間豈無積德建功之君所以過其
數也其年四月甲子朱全忠受唐禪位即皇帝位改
元開平國號大梁更名晃汴州為開封府建名東都
梁之曆數非正數止得十二年梁乾化二年壬申歲
太乙在二十一局太乙在八宮三大將格客大小將
挾主叅將死門為直事加太乙宮歲計遇之人君不
利有為帝晚年淫虐尤甚次子郢王友珪悞誅二月
戊寅與韓勛馮廷諤殺帝帝年六十一誦太祖至次
年癸酉友珪聞亂與妻張氏趨北垣樓下令馮廷諤

先殺其妻次及已諤亦自刎年二十八貶庶人均王
友貞即位去鳳曆止為乾化三年至乙亥改貞明至
辛巳改龍德至三年癸未六月李存勗用郭崇韜策
自鄆州直趨大梁十月敗王彥章戊寅夕梁主君其
將皇甫麟進刃於建國樓下存勗四月即位於魏州
改天祐二十年為同光元年大赦天下復國號唐亦
非王數主十二年之限也至莊宗同光四年四月從
馬直郭從謙作亂為流矢所傷崩絳霄殿之應也年
四十薨莊宗嗣源是日至瞿子谷聞內亂哀慟之久
至洛京即帝位改元天成大赦天下至長興四年癸

巳太乙入四十二局主大將客大將挾太乙宮主不利有為十一月帝不豫壬辰秦王謀反勤兵入宮朱和昭馮贊孟漢瓊等擊殺之至戊戌帝崩于雍和殿年六十七歸明宗莊宗氣小志近驕心易生矜功自能便嬖自用婦言是聽不能稟中正之道故悔吝及身也明宗為衆所推資性寬厚舉賢用能天下為之小康既德真正故能永終天祿有光暉之吉也至今年稱為賢主也後唐天成三年戊子太乙運行未濟卦九六為外極災變之限三十六年未濟之極居否終傾變之時也若能成志安於義命而自樂則可無咎

若不退守其安念臻須墜入于凶咎矣若恣樂而能
耽肆至於濡其首信之矣若能退而安於命義不失
其常則無咎矣易上九有孚于飲酒無咎濡其首有
孚失是象曰飲酒濡首亦不知節也

五三三
二二二

未濟之解天下之亂既除則不復有為始隨時維持
而已若尚有當解之事則早為之乃為解險以動將
有出險之道然難之既濟利西南也內卦坎外互坎
內互離外卦震震東方之卦離南方之卦震卯木有
金剛之姓也震木出於離火此木之象也為有聲之

物為飛揚之氣能善鳴有無魯之象也坎水游流
而中有剝硬者石之象水流亦剝之象也震為之而
起走也離火日坎水月有明趙之象起於北方南方
者不無享國惟居九五其於東方者可以有國也有
國則天下之難俱解矣宋王從厚十二月自魏府即
位改為應順石敬瑭為太原節度使其年甲子歲太
乙在四十三局太乙在八宮主客將內迫太乙宮名
提挾有篡殺廢戮之事二月移鳳翔潞王從珂權知
京留守不受詔遣討之進兵攻鳳翔二月丁卯從珂
至陝州戊辰帝出次衛州敬瑭殺帝之從騎而去四


月潞王入洛廢帝為鄂王遣人鳩殺之皇后孔氏及
四子皆遇害四月乙亥潞王即位改元清泰其年太
乙提挾之驗也清泰三年丙申五月河東節度使駙
馬都尉石敬瑭為鄆州節度使封趙國公不受命七
月誅敬瑭子石重英種裔及弟德范延光晉陽危蹙
敬瑭求援於契丹契丹主德自將五萬騎救之九月
帝親征次覃懷副討使楊光遠殺張敬達以降契丹
丁丑車駕還庾辰敬瑭至河陽其年太歲丙申太乙
在四十五局太乙在八宮主提挾宮是亂之驗也辛
巳帝與皇后舉族自焚於武元殿年二十五誦宋帝

此正十二年之數也十一月丁卯契丹主立敬瑭為
晉皇帝於晉陽約為父子之國改長興七年為天祐
元年大赦天下亦無正數以九年為限至天福七年
壬寅太乙五十一局客大小將格太乙主大小將杜
塞人君不利有為六月乙丑帝崩于保昌殿年五十
一謚高祖景延光立齊王重貴即位景延光驕暴以
皇帝嗣位為已功遂加平章事遣使告哀於契丹致
此稱孫玄喪玄臣契丹怒至開運四年丁未歲五十
六局太乙在三宮太歲與太乙格有崩亡之事正月
契丹入京師帝頒封禪寺三月壬寅契丹主廢大梁

晉文武諸司經殺者數千人盡載府庫之寶以行自
白馬渡河往契龍府安置契丹主至樂城殺胡林而
卒是為崩亡之應也此晉之數太原北平王劉知遠
知慮國政乃置義舉卒未即皇帝位于太原却稱天
福八年四月癸卯丹魏國夫人李氏為皇后至戊申
年正月大赦改元乾祐更名暉以馮道為太師封齊
國公至甲子日帝不豫乙丑崩于萬歲殿年五十四
歲踊高祖第三子承祐即位年十八歲至三年太歲
庚戌太乙在四宮客挾主客大將迫太乙宮主然將
格人君不利有為其年郭允明殺帝年二十一踊隱

帝此正坎之流應二象也郭威自迎春門入辛亥歲
正月即皇帝位國號大周改元廣順都于汴洛稱新
翟兒周亦無數以九年為限至四年帝崩于滿德殿
年五十彌太祖有飛鳥之象也義子柴榮奉遺詔即
位改元顯德至六年己未壬子元六十八局太乙在
八宮始擊掩太乙宮主叅將迫人君慎之六月帝崩
于萬歲殿壽三十九彌世宗此為萬變震有水出於
火互坎柴之象也子宗訓即位年七歲庚申歲乙巳
詔禪位于趙匡胤即皇帝位奉少主為鄭王國號大
宋是震之坎月之驗也宋為歸德起於東方者可享

國也太乙行未濟外極災變之限天下之難方解終
須濟矣當興修政道定紀綱法度以代明王之治是
其來福吉之驗也乾德二年甲子太乙運行艮卦初
六爻二十四年為建功立德之限艮之為卦一陽止
於二陰之上陽自下升極止而止其象為鎮靜之情
艮為門閭震之木是家中之木宋興之兆也宋之數
一百六十八年為祚限之數也初六爻動之初止於
初也事止於初未至失政故无咎戒利在永貞則不
失正道也初六艮其趾無咎利永貞象曰艮其趾未
失正也



太

卷之四

二十一



艮之貴人之合聚則有威儀上下物之合聚則有次序行列合則必有文猶和之有飭也有節而後能亨然貴之象亨於小者則利有攸往易曰貴亨小利有攸往內卦變而為離離日也火也文明之象也自庚申年乙巳禪詔位於太祖奉帝為鄭王國號宋受周禪周木德生火當王色尚赤臘用戌建元建隆至乙丑乾德三年蜀王孟昶來京師開寶四年二月擒劉鋹廣南平乙亥十二月擒李煜江南平九年丙子歲冬十月癸丑帝崩于萬歲殿壽五十謚太祖高祖吳改


元太平興國是賁之亨小以見為名禽之象三興國
三年戊寅吳越王錢俶來朝四年五月劉繼元隆六
月庚申北征次年七月帝至自北京大名建德元年
癸亥荆南高繼冲歸朝德州三縣十七乾德三年乙
丑蜀王孟昶降赦蜀是為建功立德之限應驗也
宋端拱元年戊子太乙運行艮卦六二爻二十四年
中道安平之限也此爻居中得正在外者不能退聽
極救其弊而唯隨之使我心不快也易六二曰艮其
腓不極其隨其心不快象曰不極其隨未退聽也

艮之蠱蠱者事之已壞亂當有是之時也能幹濟其
事得亨也時之亂也則當思慮其先後可也故善救
者許之於始則弊可革善治者究之於終則利可興
也此古之聖王所以新天下而垂後世也易蠱元亨
利涉大川先甲三日後甲三日內卦巽巽東南方之
卦又巽爲木其爲人也爲寡髮爲廣顙內互兌西方
戎狄之象外卦艮艮東北如夷狄之象也故爲有事
之方也淳化四年辛巳盜起於蜀賊推李順爲首陷
蜀邛州又陷永康軍五年春正月李順陷漢州又陷
彭城次陷成都壬寅王師克劔州五月克夔州又克

巴州王繼恩進兵擒李順破賊十餘萬遂克成都李
順之黨皆伏誅秋八月蜀平為逆者李順犯李之名
也此為有事涉難無極其弊克濟其事獲元亨也至
道三年丁酉太乙三十四局在四宮始擊將與客大
將因太乙與太歲格在大族主有崩亡之事其年二
月帝崩年五十九號太宗第三子恒即位改元咸平
元年二月己亥契丹遼冀威武軍王師破契丹於五
合川是彼不能退聽與我不自極其弊而隨之失也
至咸平五年三月李繼廷陷靈州守臣裴濟死之六
年四月契丹入寇景德甲辰元年十月契丹寇瀛州

又通冀州其年太乙四十二局在七宮文昌如陰德
始擊將呂申太乙與天目俱在坤維之鄉主天子有
勳其年十一月庚子皇帝親征契丹于澶州李繼隆
伏弩射死其將撻懶契丹使韓杞來請和戊戌帝至
自澶州為涉越險阻以濟時之艱難是幹蠱得元亨
之象此其年七十二處進嘉和穩進封老子孔子之
尊號天下大治是太乙運行中道安平之限故也
宋祥符五年壬子太乙運行艮卦九三爻為內極災
變之限三十六年艮之九三上下不相承也危懼薰
灼心不得其安行止宜利不可固執一隅而舉世莫

與宜者豈有容裕之理危懼常薰於心也易九三曰
艮其限列其夤厲薰心象曰此限危薰心也




艮之剥陰盛陽衰之時小人壯君子弱若能知變順
時而止之不往可矣易曰剥不利有攸往內互坤太
乙行坤有應為妃后專權之象也外互坤無應有盜
賊暴亂為害坤為土陽在上三之象外卦艮為背為
門闕為止為東北方坤為西南方為亂者必有此象
也

建興元年壬戌五十九局太乙在四宮主叅將格客

大將迫又客挾於主人君不利有為二月戊午帝崩
諡真宗太子禎即位尚幼軍國事皇太后總制明道
元年太后崩上始親政事景祐元年甲戌太乙七十
一局在九宮與太歲格有禁字出東南方西北國前
敗東南國後敗主兵革死喪疾疫是年八月有星孛
于張翼東南之方冬十月西戎寇邊十一月戊子皇
太后楊氏薨寶元元年戊寅西河元昊反僭號于夏
州三年十二月夏人犯安軍狄青敗之康寧元年庚
辰歲正月元昊圍延州劉平與賊戰于三州口王師
敗績平死之九月戊辰王師失利于三州口慶曆四

年五月元昊稱臣更名曰曩霄十二月封為夏國王
六年丙戌山東地震宜防未然之變其下登州嚴武
備七年丁未三則反于貝州此謂上下不相承也使
我心不得安裕此數年之間王師不利是剝之象不利
有攸往之驗也

宋慶曆八年戊子太乙運行艮卦六四爻二十四年
為積亂之後待治之限不能為天下之止惟止於身
非无咎非大有為之道也易六四曰艮其身无咎象
曰艮其身止諸躬也




艮之旅艮以靜止為吉今山止於下火炎於上為吉
其師止不能處靜亦可以小亨惟正則吉易曰旅小
亨旅貞吉內卦艮東北之象外互兌西戎之象外卦
離南蠻之象將有事於北方也

慶曆八年戊子正月辛巳文彥博平貝州甲辰救河
北丙午王則伏誅此正積亂之後待治之限也皇祐
元年二月消井蠻寇遂九月廣源州蠻寇邕州四年
夏四月廣源蠻儂智高陷邕襲藤梧康端廣美五年
正月狄青破儂智高于歸仁甫五月拜狄青為樞察
使嘉祐八年三月辛未帝崩壽五十諡仁宗志誠愛

物而民戴之責股肱之任於大臣而君道常失委耳目之寄於言者而上聽無壅雖外有變夷為亂奸臣竊國能正其身而死咎雖非大有為之道惟能守正則獲小亨也

神宗熙寧五年壬子太乙運於艮卦六五爻二十四年為中道安平之限也艮以止其輔而言有序則有悔可亡此六五之時以口舌文辭相尚之世宜尊此戒易六五曰艮其輔言有序悔亡象曰艮其輔以中正也




艮之漸天下之事止而後動必以漸也莫如女歸於夫臣進於新入進於事固當有序不以其序則陵節犯義凶咎隨之外互為為文明君后之位下有忠正之臣相應是文明之體處於上巽風之體化於上下相承而有序相吉无戒利於正易曰女歸吉利貞而互坎外互離外卦巽亦主有事於北方者也

神宗熙寧七年甲寅二月瀘夷吐蕃寇河州景惠立與戰死之九年丙辰正月交趾陷邕州守臣蘇緘死之元豐二年瀘州蠻乞弟反以韓存寶討之乙丑正月帝崩壽三十八謚神宗哲宗即位紹聖元年甲戌

十二月甲午貶責元祐史官范祖禹趙彥黃廷哲以
口舌文辭相尚不能止其輔之驗也

哲宗紹聖三年丙子太乙運行艮卦上九爻外極災
變之限三十六年人君能以敦厚篤實以久終則吉
人之敦篤難於久終節或移於晚守或失於常帝事或
廢於久人之所同患也能敦厚篤實於終正道之至
善所以吉也易之上九曰敦艮之象曰敦艮之吉以
厚終也



艮之謙尊以卑居為謙唯君子有終吉為君者身居

衆人之下謙服於衆陰退降之象何有利乎况云字終得謙與為事厚而不終謙輕不實事夫華偽何有亨乎易曰謙亨君子有終外卦變坤內互坎在中有盜賊暴逆為害內外相連起自藩臣外極災變之事有失地亡國之應也事起於東北正北及西南方也艮為東北坎為正北坤為西南點之當以為驗也

哲宗紹聖三年丙子三月夏人犯邊六月夏人入寇皇后孟氏廢瑤華宮四年丁丑二月章惇言司馬光等已追貶而呂大防劉摯梁燾等亦宜量罪示罰凡三十七人皆貶元符三年正月帝崩謚哲宗端王即

位是為徽宗皇太后知軍國事春正月壬戌朔有赤
氣起東北彌亘西方應東北艮卦方有興王之兆高
寧三年六月籍元祐奸黨以司馬光為首凡三百九
人刻石於文德殿之壁四年正月詔於帝舊宮立大
周鼎星祠八月安九鼎戊子詔於國西之地建明堂
大觀二年正月皇帝受八寶大赦天下十一月辛酉
訪求古禮器政和元年九月童貫奉使契丹虜主不
禮貫怒之政和五年乙未遼與女真交攻遼大敗女
真起改元收國元年國彌金此為盜賊暴起亂自藩
臣在東北之應政和七年正月詔道士林靈素築通


真宮處之驚嵩尚道風誦教主道君皇帝宣和元年詔
改佛為大覺金公餘為公人大吉僧稱道士僧尼稱
女德士寺為宮院為觀依道流戴冠丁巳女真士入
國四月女真主自將代遼陷東京黃龍府宣和二年
十月陸州方臘真陷衢抗等州三年方臘陷處州淮
南盜宋江犯淮陽又犯京東河北入海州亦應盜賊
暴亂為害起自藩臣之驗宣和七年乙巳太乙在象
三紀戊子元一十八局太乙在七宮文昌大武囚主
大將七宮亦囚主參將一宮客挾客大將六宮外迫
大臣逆命人君慎之正月金滅遼粘罕兵侵掠河東

有向京師之意九月有狐由艮岳入闕升御榻而坐
詔毀狐王廟十一月庚申徽宗禪位于皇太子誦道
君皇帝退龍德宮欽宗即位丙午年改元靖康太乙
入第三紀戊子元一十九局太乙在八宮文昌武德
主大將八宮囚主美單八不知天之數有篡殺扶持
之禍又在艮之上九外極災變之限正月金兵幹離
字犯京師帝康王構至營求和尊金國為大金二月
金兵退以張邦昌為太宰六月丙辰金火木土四星
聚張壬戌彗出紫微垣七月彗出東北長數丈掃帝
座抵文昌八月金兵復入十月雨水冰時真定等州

已陷十一月慧竟天又大風拔樹幹萬字犯京師復
圍四十日閏月丙辰京城陷徽宗不務敦厚篤實唯
以浮薄為事輕諾少信修艮岳勞民力召小人退君
子貶賢良塞語路以至亡國哀哉致屈身於夷狄二
帝遭囚流於荒漠是為太乙行艮卦外極災變之限
也前宋自太祖歲起庚申至欽宗歲終丁未九帝合
一百六十八年以應艮象六爻卦盈艮限宋居中原
天下康泰百姓豐樂九帝豈無積德累功之君以得
數盈而衰矣

金天會十年壬子即宋紹興二年也太乙運行兌卦

初九爻三十六年為建功立德之限也兌西方之卦
兌屬金為少年為戎狄兌為口重兌二口為回胡之
象主夷狄之治世也女真彌金國其象也夷狄之數
一百二十六年為國祚之限兌初九爻兌說也以爲
說而無偏私說之正也正則獲吉无所疑也



兌之困兌以陰在上坎以陽居下上六三之陰在二
陽之上而九二一之陽陷二陰之中皆陰柔掩於陽剛
小人以陷君子所以為困也唯大人處困能吉而無咎
當困而言人誰信之易曰困亨貞大人吉無咎有言

不信兌之坎如北方之卦內互離南方之卦坎北狄
之象爲南蠻之象坎水能制離火如北攻南之象也
天會五年即宋建炎元年丁未夏四月虜二帝北行
張邦昌請元祐皇后臨朝聽政宋五月庚寅康王即
位張邦昌爲太宰尋死之十二月金兵粘沒喝等分
道集兵討康王七年十二月丙戌宗弼之軍取湖州
戊戌濟曹娥江壬寅宗弼軍大敗宋軍于高橋趙構
遁入于海八年正月己未阿里盧蒲渾克明州進克
康王構至昌道執構之族兄弟趙諤問趙構將自溫
處福州由海道近三百里弗及西還因隲明州秋七

月金師奉詔與推擇一人可主南主者立京東淮南
道等路安撫使則豫為子稱帝國號太齊都于大名
世修之禮仍賜以金幣冬十月乙亥金主車駕至自
東京癸巳詔太齊建立年號十一年十一月壬子朔
皇子宗弼復進攻和尚原克之至十三年乙卯歲太
乙在二十八局太乙在二宮客大小將掩迫太乙宮
其年正月己巳金主卒于明德殿年六十一歲稱太
宗皇帝姪孫亶即位是為閔宗十五年十月詔廢齊
國降屬豫為蜀王於是置行臺尚到省於汴除去廢
齊弊政入悅改元天眷元年戊午八月己卯詔以河

南之地割於宋明京師為上京二年己未四月己卯
康王構遣使謝河南之地己巳集群臣議南伐五月
丙子命元帥復疆都元帥宗弼發日蒲令由黎陽趨
汴州遣右監軍撾撒剌喝出河中趨陝西時宋將岳
飛韓世忠等分據河南諸要害明拒金又分涉河東
岢嵐谷保德之境明相牽掣宗弼使孔彥周下汴及
鄭王伯龍取陳李成克孟取洛陽宗弼取亳及順昌
府伏兵屢敗汝穎相次皆下宗弼明暑雨還軍于汴
岳飛宣亦還河南平改元皇統元年四月辛巳宗弼
乞收江表是坎制夷北攻南之驗也六年丙寅六月


翰林承旨宇文虛中高士談等明謀反伏誅七年四月戊午殺戶部尚書宗禮天德元年五月殺翰林院學士張勗戊申誅耶律八年十一月召鄧王元妃撒卯入宮戊子殺鄧奭子阿懶撻懶癸巳車駕於忽刺渾士溫遣使殺德妃烏古倫氏及妃夾谷張氏十二月己酉朔車駕還京丙辰殺后裴蒲氏於寢殿小底大興國尚書省令十二月丁巳平章政事完顏亮左丞相秉德左丞相駙馬都尉唐括辦與寢殿小底大興相國尚書省令史李老僧等反其年太乙在三十九局六宮文昌戌外迫太乙宮始擊將內迫太乙宮

客大將又格之帝遇殺崩年二十二亮篡立太乙在
允其初九爻為建德立功之限明是太宗肅宗雖有
開基之功肅宗不能好和於家有偏私之令非說之
正也又君子為下之所掩殺窮困之時正人言之不
信焉以殺戮為事故禍及之也完顏亮篡立降帝為
東昏王殺曹王宗敏殺左丞宗賢改元天德元年至
三年癸巳定王公宗戚庶都統耶律元宜曰主上無
道上下離心定議詰旦乃行時欲怒於衆語之曰適
有定令爾輩皆去焉明日渡江軍士莫不危懼繼而
告以舉事之計衆皆從之黎明元宜等以兵犯營海

陵聞亂以為宋兵至攬衣遽起面箭入帳中取視之
愕然曰乃我軍也已中流矢軍士爭進兩體從動遂
縊殺之海陵以逆自立不能以和取天下小人用事
賊人害善滅親殺母唯以嚴行酷罰急徵暴斂民不
堪命失其和光之言所以致禍也時大定元年二月
故通奉大夫大醫使祁宰賜資政大夫頴起授秘書
監丙子蠲免租稅六月右副元帥僕散中大敗窩幹
之衆生擒窩幹七月宋帝構內禪位于太子睿五年
宋奉國書及誓書入見拜金為封歲幣銀二十萬兩
匹甲申年為首每冬季於泗洲交貢七年丁亥正月

壬子上服象冕卿大安殿有司備禮奉上誦是為世
宗以德和於天下和於隣國和於臣庶是和兌之吉
所以享其國也

大定八年戊子太乙運行兌卦九二爻為中道安平
之限三十六年兌之九二剝中之德若孚信內兌以
治天下是以吉而悔亡也易九二曰孚兌吉悔亡衆
也孚兌之吉信志也



兌之隨隨得其道則吉可以致大亨也凡人君之仁
義臣下之奉命臨事而制宜皆隨也之道利在於貞

正隨得其正然後能大亨而無咎矣隨失其正則有
咎豈能免乎易曰隨元亨利貞無咎內卦震內互艮
外互巽震為長男艮為少男隨大失小也

大定八年戊子正月庚辰行皇太子冊禮二十四年
幸上京二十五年六月使至報皇太子薨十二月戊
子皇孫金源郡王授大興尹進封原王宮車瑤頸并
服金玉犀帶及傘蓋制度甲午始制國子監三月壬
辰命廣燕城營造宮室四月丙午廢汴京行省而遷
都于燕改元真元三月辛亥以車駕入燕京為中都
三年三月親詣大房山命張浩敬自暉營建南京宮

室十二月召諫議大夫張仲軻右補缺馬欽校書郎
田與信習實入宮議南伐亮曰向梁璠當勝言宋有
劉貴妃者姿質甚艷美今一舉而兩得之朕興兵滅
宋遠不過三二年然後討平高麗西夏南蠻等國一
統之後論功遷職分賞將士正隆四年二月遣吏部
郎中蕭彥良遷會寧甲仗及帑藏諸物戶部郎中高
德基為營建南京宮室提點其日完補都城造戰船
于通州四月命天下舊貯軍器並運至中都以繕完
之時方建宮室于南京大興土木之役又中都所造
軍器甲仗皆賦于四方之民急甚星火官吏因西和

買於市而民間之價率邊其倍箭翎一尺至錢林落
間往往推牛以備借筋革亦有生取其角者烏鵲狗
疏無不被害及徵諸路工匠至京師疫死者不可勝
計夫海內之地大騷動矣八月以諸路戶口為差調
馬五十六萬餘匹仍令出馬人戶養飼以候師期十
二月己亥大醫使邢宰以上疏諫南伐殺之正隆
六年二月徵諸道木手以運在船癸亥發自中都四
月命百官先赴南京治事是月徵諸道兵五月聞西
北諸部契丹反遣兵討之七月遣耶律氏與宋趙
氏子男無少長皆殺之死者一百三十餘人八月癸

丑殺其嫡母太后徙單氏于寧德宮九月大名賊王
有等據城叛衆至數萬時所在盜賊蜂起大者遷城
邑小者保山寨海陵聞惡時以諸道兵三十二總管
海陵親領中軍欲自壽春以進甲午南征冬十月世
宗即位于遼二十六年十一月冊皇孫右丞相原王
為皇太孫頒詔應天門二十八年三月大赦天下二
十九年正月癸巳上崩于福安殿是日皇太孫即位
于樞前是為光宗二月宋王趙昀禪太子惇嗣位明
昌三年正月乙卯皇太后不豫上侍疾隆慶宮辛酉
皇太后崩七年十一月戊戌行禮於園丘禮成還宮

上卿應天門百官稱賀大赦天下改元承安元年六月辛酉改元太和元年十一月丁酉司空襄以下宰職進新定律令是時天下晏然以應太乙行中道安平之限也世宗乎誠應於天下和平應乎允之言隨不失正故大亨也金章宗得中爻十二年泰和四年甲子太乙運行兌卦六三爻內極災變之限二十四年兌六三陰柔不中不正之人來共就之以求說也居位者皆諂佞小人是枉已非道就以承說而居要位故時運致凶易六三曰來兌凶象曰來兌之凶位不當也

三六

兌之夬決去一水小人雖居君子道盛當顯行之於公朝使人明知善惡故誦令以命衆或有危害先治於內然後及外不可使以剛暴用事也易曰夬揚于王庭乎誦有厲告自邑不利即戒利有攸往內卦乾外互乾內互亦乾外卦兌太乙運行內極乾無應有盜賊暴亂為害在夬卦起自宮掖在外卦自藩臣是內外俱有作亂者乾西北方之卦夷狄之象兌西方白虎之象為亂者犯此之象也

泰和四年二月宋人入寶鷄界掠民財蓄十一月郤

縣諸社屢被侵劫泰和五年乙丑宋人入確山界奪
人馬匹遂縱掠出獄內焚官舍害令尉而去五月宋
人告以流民亂淮盜賊作梗為辭六年二月宋人陷
穀關其後邊報日至上每召大臣議輒言無之慮至
是左丞宗浩叅政賈執從以為狗竊鼠盜尚書左丞
僕散揆右丞孫即康叅政獨吉思忠奏彼誠小盜旦
伏夜出敢白晝置陣攻我壽春耶五月辛卯詔以南
征平章政事僕散揆領行省于汴六月申報獲捷擒
宋將田俊等百官表賀宋師不利者不利即戎也十
一月乙卯上不豫免朝上崩于福安殿壽四十一歲

遺詔皇材衛王即位誦章宗次年改元大安元年以
紇石烈忽殺虎南征有功授世襲召知大興府事拜
完顏承裕為御史中丞國朝太祖皇帝是年掠西夏
將入境三年辛未二月金拜叅知政事完顏承裕為
西南西北安撫事平章政事獨吉思忠行尚書省統
兵議築烏沙城以屯軍馬禦邊烏沙當衝要害水草
七月太祖皇帝遣兵攻之思忠等不備失利兵役大
喪又敗烏沙營八月太祖皇帝率衆內侵承裕等不
利退入翠屏口抵宣平天兵躡其後承裕軍氣喪遂
出宣平九月退至遺平河州川兵大潰近入宣德天

兵遂破德興進笑居庸闢京師大獻忽殺虎兵七千
戰於安定又敗重慶元年召忽殺虎議軍四年三年
取西京金賜忽殺虎金符牌權右司副元帥領武衛
軍五千屯北郭忽殺虎愈至千天兵進居庸闢人心
離散忽殺虎棄之遂謀作亂其年癸酉第四紀庚子
元三十四局太乙在四宮太歲與主大將格太乙在
易絕之地始擊客大將囚掩太乙宮有篡殺崩亡兵
殺之事八月壬辰忽殺虎分軍為二自彰義門通玄
門入矯詔殺近侍局提點福海大興知府南平挾屍
於市以兵叩宮門應宿衛者悉逐之自稱監國都元


帥居大興府列兵自衛癸巳逼衛王還舊邸召符寶
郎陳寶于府皆盜用御寶出宣甲午忽殺虎令李思
忠殺衛王子郎命奉御丞立目彰德迎章宗庶兄豐
立九月大安殿御皇帝拜忽殺虎為太師尚書令兼
都元帥封澤王太乙行乾象元應有盜賊暴亂為害
內乾卦起自宮掖外互乾起自藩臣內有忽殺虎暴
亂弑立應虎臣為害之象外有天兵侵取應兵起西
北之驗於是改元真祐大赦天下冬十月天兵侵京
城元帥右監軍木虎高琪戰於城北失利自清夷門
西入歸遂領率所部殺忽殺虎子昂持其首詣闕待

衆上赦之十二月天兵逼京城金拜木虎高琪為平
章政事兼前職二年三月遣內族都元師承暉請和
以衛王公主下嫁四月山東河北諸郡悉陷唯真定
大名東平徐邳數城未下民遭屠戮俘虜者不可勝
數乙卯尚書省奏外方州郡皆望朝廷車駕幸至南
京乞順人心詔宜從所請其年甲戌庚子元三十五
局太乙在四宮文昌臨大武坤維之地主筭二十五
杜塞容筭二十八筭長將發人君巡幸遷國之驗也
七月至南京赦南京屬縣太乙行兌卦六三爻內極
來兌山之象也鑾輿播遷宗廟失守不利驗也癸未

卷之四
四十四
歲十二月庚寅上崩于寧德殿壽六十一號宣宗皇
太子守緒嗣位次年改元正大至四年其歲丁亥太
祖皇帝駐驛于陝西六盤山駕崩此亦太乙行六三
內極災變之限故也

金至大五年戊子太乙運行兌卦九四之爻積亂之
後待治之限三十六年兌之九四下有柔邪故不能
決商兌未寧為未能有定不寧之時也在兩間謂之
介介乃分限也疆地之界也一則去其邪惡一則有
喜慶及物也金之起自丁未終于甲午合一百二十
年正在兌九四之中亦從界分革舊更新之象也易

曰商兌未寧介疾有喜象曰九四之喜有慶也



兌之節凡事既有節則能致亨節貴乎適中道則吉矣節至于苦豈能長也易曰節亨苦節不可貞九四爻動外卦之坎北方之象互震面上行是帝出乎震也內卦兌過則苦矣兌即西方金國之象坎代兌之北方之象國之興衰有數存焉豈人力所能致然內卦兌為口外卦兌亦為口西北二口者出焉金正大六年己丑太祖皇帝二太子即位金正大九年壬辰改元開興又改天興元年二月大朝軍馬臨于汴攻

城不克四月罷攻十二月金主領兵幸河北黃龍岡
攻于衛大朝天兵大至金軍亂潰金主奔歸德癸巳
正月都尉崔力率同黨殺二相于省廷舉汴以降六
月金主殺蒲蔡官奴自歸德遷蔡九月大朝軍馬興
宋兵臨城金天興二年甲午正月己酉金主自知天
數已盡召大臣遜位遂自焚金數之絕當在兌之九
四庚子年中從有六年蓋金得中原而有天下多尚
殺戮修德者少所以不及祚數而終也

夫兌之節外卦坎坎為盜為北內互震外互艮艮為
止兌為金鐵矣互震木內卦兌犯此名者可以安節

之亨矣起此代充此理之所以然者可不慎懼奉天
修誠哉

太乙統宗寶鑑卷之十四終

